

# JONEME

## PEPA PIAMO TEPONGE DOKO

### **Pii atupa wambao kandapenge**

Joneme pepa teponge dake pyapala sosanya isingi akali Gayasanya pyasakamaiya-pyaa. Gayasame Kitisene longo nisiamosa Joneme tama pyoo pepa pyao pyasakamaiya-pyaa. Dee Gayasa embame akali Dayotepisa lenge doko kandao wanduyu katape leaka-pyaa.

**Joneme pepa piamo teponge dokonya pii lyaa dupa:**

1-4 Pii wambao pepanya piamo dupa

5-8 Gayasa tama piamo doko

9-10 Dayotepisanya mana koo dupa

11-12 Dimitiasa tama piamo doko

13-15 Joneme pii etao lasa leamo dupa

<sup>1</sup> Namba\* sosanya isingi akali dokome nambanya mona setenge Gayasa embanya pepa pyao peekelyo. Nambame emba kini auu kaelyo.

<sup>2</sup> Mona setenge, embanya imambu doko auu pyoo kalyamoli pyoo emba yainapi mende nanyoo dupa pitakanya auu pyoo kalyale lao loma silyo. <sup>3</sup> Masoo\* miningi kaiminingi mendapuame ipao embame kiningi pii doko lao pii dokome lelyamoli pyoo paeleno leamino doko nambame sepala mona etete yaepeo. <sup>4</sup> Nambanya\* wane dupame kiningi pii doko watao minilyamino

---

\* 1:1: Ap 19:29; Lo 16:23; 1 Ko 1:14; 2 Jo 1    \* 1:3: 2 Jo 4    \* 1:4: 1 Jo 3:19

lapae doko nambame sepala nambanya mona yaepenge doko waka mendeme ita minala naenge.

*Gayasame kalai auu pyoo pingi*

<sup>5</sup> Mona setenge, embame masoo miningi kaiminingi dupa nisalanya koteaka lao oapi longo pingi. Kini, kaiminingi mendapua embame nakandengeaka doko, dupa nisingi. <sup>6</sup> Embame\* endakali auu kayao kalyenona lao sosa dupa lamaiyami. Kaiminingi dupa pena lao nisetenopa Goteme auu kayata. <sup>7</sup> Dupame\* netesa endakali dupa-kisa opale mende nyala nayao, Jisasanya lao lao panalanya kalai pyaa peami. <sup>8</sup> Dopana,\* kiningi pii lamaingi kalai doko akali dopale dupa-pipa pimana lao naimame dupa nisoo katapenge.

*Dayotepisame mana koo miningi*

<sup>9</sup> Nambame sosa dokonya pepa peyo. Dopaka doko, sosa dokonya mupa joo katapu laka lao masingi akali, Dayotepisa lenge dokome naimanya pii nasingsi. <sup>10</sup> Tenge dokonya namba nyakama katatamisa ipato kandao doko, baame pingi dupa lao panato. Baame naima pyanya palyoo pii koo lenge. Dopaka pyoo baame baanya masingi doko etasala nayao, masoo miningi kaiminingi dupa baanya andaka lanyala naenge. Dee mendeme kaiminingi mende baanya andaka lanyalanya pilyamo doko kaitini lyokatala sosanya watao pingiaaka.

*Dimitiasame mana epe miningi*

---

\* 1:6: Ta 3:13 \* 1:7: Mt 18:5; 1 Ko 9:12,15 \* 1:8: Mt 10:10,41; 1 Ti 5:18

11 Mona\* setenge, embame mana koo watao minala naenya epe watao minape. Mana epe watao miningi endakali doko Gotenya. Mana koo miningi endakali dokome Gote nakandenge. 12 Endakali\* dupa pitakame Dimitiasa doko akali epena lengema. Kiningi pii dokome dopaka lenge. Naimame dopaka lelyamano. Naimame pii kiningi lenge doko embame masingi. 13 Nambame\* embanya pii longo pepa pyao peyakawani kaelyoaka doko, pepa pyanjolepimi iki pyao peyakala nayatoo lao masilyo. 14 Namba yapa emba katatesa ipupala nalimba enomba kandao pii lapumba laka lao masilyo. 15 Emba mona lyuu lao katape. Embanya kaita miningi dupame emba auu pyoo katape lelyamino. Nambanya kaita miningi dupa auu pyoo katena lelyona embame mendai mendai lao lamaiyakape.

---

\* 1:11: 1 Jo 3:6,9-10      \* 1:12: Jo 19:35; 21:24; 1 Jo 5:6      \* 1:13: 2 Jo 12

**Enga Nutesamene Baipolo**  
**The New Testament in the Enga language of Papua New**  
**Guinea, old translation**  
**Nupela Testamen long tokples Enga long Niugini**

Copyright © 1988 The Bible Society of Papua New Guinea

© Wycliffe Bible Translators, Inc.

Language: Enga

Dialect: Mae

Translation by: The Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-02-04

---

PDF generated using Haiola and XeLaTeX on 3 Mar 2023 from source files dated 9 Oct 2020

645292b1-b46a-588d-9564-355d6eb62201